

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

ANNOAMENTU CASUS COVID IN SÈTIMU

Is datus giraus da s'ATS, a fronti de duus casus de sanamentu, faint sciri chi, po imoi, nci funt 40 casus UFITZIALIS de contzitudinus nostus positivus a su Covid.

Perou, sa Sienda Sanitària, po mori de su spàinu de is cuntàgius, pruschetotu in su territòriu de sa Tzitadi Metropolitana de Casteddu, abarrat a essi a trigadiu meda in is nobas de is casus a is Comunas.

Duncas, da comunicatzionis in deretura intre Sindigu e calincunu tzitadinu, is casus de personas chi arresultant positivas a su tamponi molecolari parint essi meda de prus, giai 57, unu nùmeru chi s'at a amanniai, biu chi calincun'àteru tzitadinu tenit giai is s'ntumus tìpicus de su virus e funt abetendi de tenni sa sceda po mesu de su tamponi.

Si fait sciri incora che sa majoria de is casus pertocant sa fàscia de popolatzioni giòvuna o giòvuna meda, po si cumprendi sceti 1 est over 60.

Po custu, si invitat sa popolatzioni a tenni cumportamentus utilosus a smenguai su spàinu de su virus, spreviendi amuntonamentus, tenendi su distanziamentu intre is personas, imperendi sa mascaredda aundi est de importu e assignendi s'igieni, pruschetotu de is manus.